詢學

集

成

未檢若據以爲徵又何異尸就子桑原壤而遂訾經曲爲不必 **遠然要是無限度者予友沈子去矜與家稚黃取刻之雖有功** 於詞反失古意論案此條昭代叢書楊氏已駁之謂前人疵漏 西河詞話云詞本無韻故朱人不製韻任意取押雖與詩韻 詞學集成 5為精核貽誤後學不淺故不可以不辨 四日韻 一十りたっ まざいりょご・1 鐵嶺宗 旌德江順詒纂輯 山然訂

生昀云西河詞無韻一條為精核謂辛蔣爲別調深明源委先 蓮子居詞話云錢塘沈謙去殺取劉淵陰時夫而參之周德韻 邁之語為變徵之音如今弦笛腔愈低則調愈促聲高則調高 誠多可議萊陽趙鑰宜與曹亮武次第之均之失也全椒吳烺 **永有四聲以前|三百篇未有無韻者豈唐宋以後入樂之文而** 生於詞不屑為故所論未允夫朱人之詞皆可入樂韻爲天類 毛氏詞話載軼事為他書所未見後人引用者亦少紀曉嵐先 併其所分分其所並甚至割裂數字並失廣韻二百六部所屬 何礙吟歎之有 不用韻乎況朱人自度腔皆可歌後人不得其傳至辛蔣以豪

韻非宋韻也近有以上去韻分列平韻後而入聲別自爲部乃 韻本重雕張斐軒是也顧其書無入聲究似北曲且旣爲南朱 入聲分部者五平聲分部者十四則併而又併爲太簡矣 學宋齋本其面目終亦沿沈氏之誤近日海鹽吳應和榕園韻 又云菉裴軒韻不箸撰者姓氏平聲三十九韻次以上去聲其 所重榕園韻近有刻本又有碎金詞韻填詞家亦尚之 部目斟酌分併聲從沈氏上去以平為準入以平上去為準最 確其中有增益刪汰而無割裂亦屬至是論按學朱熹本爲世 人聲即配隸三聲不另立韻厲樊樹詩所謂欲呼南渡諸公起

爲愈也部案此淺近言之使學者有門徑可尋 當擇而取之餘韻準此又上入雖可代平然亦有不可代之處 低唱沈璟詞隱之說也兩說為後人論詞者所本故表而出之 使以宛轉遷就之聲亂一定不易之律則代之一說轉以不知 劉氏熙載詞樂云詞家用韻在先觀其韻之通別別者必不可 叉云上去不宜相替宋沈伯義甫之說也去聲當高唱上聲當 通要不得而通也東冬於江歌於麻古韻雖通然今吻旣別便 通通者仍須知別如江之於陽真之於庚古韻旣別雖今吻相 不可以無別也至一韻之中如十三元今吻讀之韻分三類亦 1009月月十日

家藏詞林韻釋一名詞林要韻重為開雕題曰朱瑧斐軒刋本 戈順卿云詞始於唐別無詞韻之書朱朱希真擬應制詞韻十 輯詞韻前無可考而此書又不可據以爲本沈謙箸詞韻畧一 南渡諸公起韻本重雕豪斐軒注云曾見紹興,一年刊菉斐軒 六條外列入聲韻四部其後張輯釋之馮取洽增之元陶宗儀 其所分十九韻且無入聲則斷為曲韻樊榭偶未深究耳是欲 **饑其混淆欲爲敗定今其書久佚目亦無考矣厲鷃詩云欲呼** 是人皆知有菉裴軒詞趙而又未之見近秦敦夫先生取阮氏 而既中疑爲元明之季謬託此書爲北曲而設誠哉是言也觀 冊分東紅邦陽十九韻亦有上去入三聲作平聲者於

慶部分為二日魚雨御日夫甫父家麻部分為二日甘感粕日 亂次以濟不歸一類其音更不明晳舛錯之譏實所難免同時 雜且用陰氏韻目刪併既失其當則分合之界糢餬不淸字復 編毛先舒爲之括畧並注以東董江講支紙等標目平領上 兼檢劍入聲則以曆葉爲一 撻伐爲一部以鄉音妄自分析尤爲不經胡文煥之文會堂詞 有趙錦曹亮武均撰詞韻與去矜大同小異若李漁之詞韻列 二十七部以支後部分爲三曰支紙寘曰圍委未曰奇起氣魚 而止列平上似未該括入聲則連兩字日屋沃日覺藥又似紛 上去三聲用曲韻入聲分九部日古通古轉日今通今轉 一記事集成卷四 一部壓曷月缺爲一部物北爲一 一

朱爲名乃所學者皆朱人誤處真諄臻文欣痕魂庚耕淸音蒸 登侵皆同用元寒桓刪山先仙覃談鹽沾嚴咸銜先又皆併部 今者何古何今而又何所謂借叶癡人說夢不足道今填詞家 謬其病百出不知而作貽誤來茲復有鄭春波綠漪亭詞韻以 無分合半通之韻則臆斷之去上兩見之字則偏收之種種疏 駁不堪取宋人名作讀之果若是之寬乎且字數太畧音切叉 **所奉為圭臬者則莫如吳烺程名世之學朱齋詞韻其書以學** 人聲則物迄入質陌韻合盍業治押乏八月屑韻濫逋取便墮 日借叶自云本樓敬思洗硯集中之論大旨以平聲貴嚴宜從 一去較寬可參用古今入聲更寬不妨從今但不知所謂古 一 引まるるます 1

附會之羽翼之而詞韻遂因之大紊矣是古人之詞具在無韻 填詞家旣精於求律自不能疎於押韻前人詞韻甚駿而戈氏 六部無敢踰越遊戲之作似可不必適功令然韻與律相表裏 人之名詞參酌而審定之盡去諸弊非謂前八皆非而予獨是 不過求合於古知音者自能鑒諒爾音案應試詩賦悉遵一百 而有韻今人之韻書成有韻而無韻豈不大可笑哉因作詞林 八詞中據以為韻取而押之究於心未安也蓋一代有一代之 不以爲然所箸誠有功後學至以入作平平作上雖見之古 一隅有一 書列平上去為十四部入聲為五部其十九部皆取古 **隅之方音生同時而隔數十里音即不同雖同** 一語學集成卷四 四四四

文之世亦不能强況南北分裂以入作平上去用未始非南: 就律而因以改其本字之音為法於後世不可也又近時有晚 聲譜久失隋仁壽初陸法言等撰切韻五卷唐郭知元等附盆 翠軒袖珍本詞韻亦分十九部與正韻同 曲之濫觴或一詞之中一二字偶有未協歌者不能不敗音以 之天寶中孫愐加增補日唐韻宋祥符初陳彭年等重修易名 又云詞韻與詩韻有別然其獂即出於詩韻分合之耳沈約四 廣韻景德四年戚綸承詔詳定考試聲韻則名日禮部韻畧景 初宋亦鄭戩建言以廣韻為繁畧失當乞別刋定命亦戩與賈 |朝同修而||度李淑典領之書成名曰集韻自切韻||而唐韻 一司旨是发给日 ī

今韻會因之又有陰氏時中作韻府羣玉併爲一百六部字刪 刪併粉紜淆亂而填詞者亦不知所宗矣正韻一書俱從舊目 有半通之例其字皆以切音分類各有經界分合自明乃妄爲 魂痕本三龍元可以入寒刪魂痕可以入真文即佳泰卦於詞 **剩八千八百餘字較集韻僅十之二一今雖通行考之古鮮有合** 平水劉淵師心變古一切攺併省至一百七部而元葉公紹古 用同用所注了然非特可用之於詩即用於詞亦無不可也至 以詞盛於宋用宋代之書廣韻集韻稍有異而集韻纂輯在後 焉卽以詞論灰哈本為||韻灰可以入支徴哈可以入皆來元 而廣韻而韻畧而集韻名易而體例未易總分爲二百六部獨 1月21日とインカラー

宋時已有中州韻之書載嘯餘譜中

而

先例謂宋太祖時所編 知王鵕有音韻輯要此又本高安而廣之者至詞林韻釋與中 **諧三聲故凡入聲之正次清音轉上聲正濁作平次濁作去隨** 疑誤如中原音韻則東鍾江陽等十九部入聲則以配隷三聲 毛稚黃亦從其說明范善溱叉撰中州全韻李書雲有音韻須 協始有所歸耳高安雖未明言其理而予測其大畧如此實則 例曰廣其押韻爲作詞而設以予推之入爲痖音欲調曼聲必 府亦遵之從寬也填詞家何妨從嚴而因以復古乎 叉云詞韻與曲韻不同製曲用韻可以平上去通押且無入聲 《洞學集成卷四 《洞學集成卷四 大國

音爲平上去之音矣又厯引朱人詞數十句爲入作三聲之證 韻諸書支思齊微分||部寒山桓歌先天分三部家麻車遮分 自為去通押獨押皆可非缺也至以入聲作三聲則改入聲之 調不能飲夫以入聲剛三聲猾之上去隷平聲後上自爲上去 詞家亦多承用治案戈氏謂曲韻非詞韻詞有必須用入聲之 竊以爲不然夫平上去入韻也非音也歌者但求叶乎宮商了 原音韻亦同而標目大異如東鍾則曰東紅魚模則曰車夫之 須用入聲之調斷不能飲故曲韻不可為詞韻惟入聲作三聲 類其為十九部以入聲配三聲則一也此皆曲韻也葢中原音 |部於曲則然於詞則不然況四聲缺入聲而詞則明明有必 アートレンフィ

一字必嗾音始叶工尺平聲中之喉音可即上去入中之喉音 魚്
及皆來蕭豪歌戈家麻尤侯七部其音即隨部轉協此入聲 音變謂之方音不得謂之作某聲以開後人通押四聲之漸 皆可也元人之曲長套多四聲兼押短調數韻則鮮詞亦不過 必合乎平仄平上去入中皆有喉舌唇齒牙之音如語者詞中 又云四聲之中入聲最難分別中原音韻以入作三聲惟支徵 而非人聲也若四聲裘之以入分配則有無相反其說亦微有 以少證多也又間北人無人聲皆讀作平或作上去者此字隨 不同就詞韻而論莫如以沃屋燭為東鍾之入聲覺鐸藥爲江 **丁敷韻而止總之四聲並押曲可詞亦可期於叶律而已不必**

同學真成器四

帖為寒刪之入聲陌麥昔職德為庚清之入聲緝為侵尋之ス 聲盡業治押乏為賈鹽之入聲其餘七部皆無則至當不易手 陽之入聲質術櫛爲真文之入聲勿迄月沒曷末點译屑薛葉 **閬何必分詞之用平上去入何必與曲異所異者詞滅** 與曲異者詞不能歌耳而以求詞之源則詞皆可歌詞韻與曲 用五屑十葉通用亦可單用此為南曲而設南曲即本平詞其 先舒所撰七韻似有與詞合者如一屋單用二質七陌八緝通 於宋嗣之用韻信乎殊洗而同源至三曷六葉通用四轄九合 用則又於詞不合矣論故戈氏謂南曲即本乎詞夫今之詞 下段多至三段四段而止減一 同語はたろうし 一調名曲則合數闋而爲

故沈去矜韻每部總統三聲而中分平仄光十四部至於入聲 隷五音謂反切爲不傳之秘然乎否乎 毛椎黃云塡詞家大約平聲獨押上去通押間有三聲通押者 | 首一字尤宜愼之如押魚虞韻而句中多用語慶字無吾字則 用同韻字嫌其抅口也五音四聲其理實一反切合五聲五聲 中不言之意在善悟者自領畧之耳論案旣押某韻而句中不 詞變爲曲殆所謂言之不足而長言之乎 五音紊又云精於律呂者未嘗有書而其詞具存試奏一曲其 詞塵記夢云先一詞用某韻則句中勿多雜人本韻字而毎句 有引子有尾聲而以宮商合簫管以喉舌五音合宮商無一

音又分五聲又分音律又分清濁且如近世所謂聲聲慢雨中 嚴皆填詞之不知律耳 易安說不同余嘗取柳永樂章集被之其用韻與段說合者半 無與平上去通押之法故為五部。案詞變爲曲詞人聲專押 不合者牛乃知宋詞協韻比唐人較寬宋大樂以平入配重濁 歌矣培按段安節言商角同用是押上聲者入聲亦可押也與 花喜還鶯旣押平聲韻又押入聲韻玉樓春本押平聲又押上 至曲復四聲統押足見協律在宮商而不在平仄非詞律之精 去聲又押入聲本押仄聲韻如押上聲則協如押入聲則不可 詞塵錄弈易安論詞云易安居士言詩交分平仄而歌詞分五

於詞句併置此而不論矣。被後之填詞韻有上去通押者 無平仄同押者雖與曲有別究與律無關也 爲正如灰韻 毛稚黃詞韻說云詩韻惟唐孫愐唐韻稽載詳明考韻者當據 **亦自別如袁頫之類以元字領韻爲一 灰字領韻爲一** 下與協律者押之而不拘拘於四聲其不知律者則惟求 一去配清輕亦與段圖不同大抵宋詞工者惟取韻之 段又隊韻中亦自別如佩妹之類以隊字領韻為一 段開哀之類自以咍字領韻為一段又先韻中 部亦自別而孫臚分最清楚如囘枚之類自以 段今詞韻有某韻半通之例覽 段昆門之類以魂字領

秦孫氏本而放之亦庶幾矣。案唐韻分段之說言詞韻者未 之點睛其神始完故古來律學之士於聲於音固未嘗置於弗 聲而玉振之聲之爲名葢始事也音者度音也是字之腹字至 論及之半通之例即師其意也 之理未嘗弗賞而專以韻名書也然韻理精微而法煩苛又古 講而惟審韻尤競競焉所以沈約孫愐而下所奢之書卽聲音 成音而其字始正矣韻者收韻也是字之尾故曰餘韻然三者 毛氏聲音韻統論曰夫人欲明韻理者先須曉識聲音三說葢 一字之成必有首有腹有尾聲者出聲也是字之首孟子云金

收韻真文元寒刪先六韻是也直噘者收韻直如本音者也歌 **虞蕭肴豪尤六韻是也抵齶者其字將終時以舌抵著上齶作** 其音必穿鼻而出作收韻東冬江陽庚青蒸七韻是也展輔者 支微齊住灰五韻是也斂脣者牛啟牛問聚斂其脣作收韻魚 惡今始以唐人詩韻爲準而約以六條簡之有以統韻之繁糟 之有以愁韻之變標位明自庶便通曉一曰穿鼻二曰展輔三 **今詩騷詞曲體製不同因造損益相沿亦異擬爲指示並增眩** 口飲脣四日抵齶五日直喉六日閉口穿鼻者口中得字之後 L之兩旁角為輔氏字出口之後必展開兩輔如笑狀作收韻 一韻是也閉口者卻開其口作收韻侵單鹽四韻是也凡二

兼分去入而作者不甚承用故鮮見之余畧舉其例每部以四 其音易曉而鮮成譜周德清但分平聲陰陽范善療中州全韻 音與韻而一之不能歧音與韻而一之由韻以求宮商豈可得 以轄音韻之淺顯易知何必求之深微幽渺也總之宋以後合 乎戈氏順卿亦宗其說 毋下韻反無所依據矣卽云穿鼻之類與字毋異第以轄韻不 毛氏七聲畧例云陰平陽平上聲陰去陽去陰入陽入之七聲 古脣齒牙之理而變其名全韻之字茍同一毋則反切了字上 一平韻盡於此上去即可緣是推之惟入聲有異。


被音之與 | 經一緯不可强而合如所云穿鼻之類即三十六字母帳

陰去聲 陰平聲 陰平陽平同 陰入聲 陰而後陽姑襲周氏之舊 語案拍音者第三次平上去入原用四拍因平聲有陰陽故加 字爲準諧聲循理連類可通計氏七部惟是 磨無 拍作五拍至就字論字陰平陽平固判然矣若論字之音則 **阿里里里**河 美表式 长四 种該簽腰 穀七妾鴨 貢玠霰釣 陽平聲 陽去聲 陽入聲 宮商固無俟辨析毫芒也 **篷**府全潮 塾亦熟鍛 鳳寶電廟 聲無陰陽紋次生

案詞韻與曲韻不同者以詞韻平仄不通押而曲韻則四聲通 音韻爲曲韻則范善孫中州全韻爲詞韻至拱武正韻斟酌諸 其滅入聲作三聲及半遮等韻則一本中原尚與詞韻有別論 韻者應之頻又如冬鐘併入東韻江併入陽韻挑出元字等入 **晝而成其於詩韻有獨用併為通用者庸之類有一** 聲字皆讀作平上去聲此音之變非韻之通也南曲之平上 押也曲韻惟北曲押入聲非韻之可頻實北人無入聲音凡 簡核但想按中州之比中原止省陰陽之別及所收字徵寬耳 先韻翻字殘字等入刪韻俱與宋詞暗合填詞所當援据議極 10月1日 インチラ 韻歩為

單用因南曲入聲單押而設也與詞韻俱可參看論案平韻如 **洽通毛馳黃曲韻則準洪武正韻而一屋單用二質七陌**八 藥十一陌通而三覺牛通温邈朔之類十二錫十三職通而五物通而九屑半通批譎結之類,六月七曷八點九屑通十 柴虎臣古韻則一屋二沃通而三覺半通濁角數之類 律可耳平仄通押或亦於宮商無礙 **庚侵之不通人皆知之至入擊南人方音亦有各別者最易混 通用三易六藥通用四轄九合通用五屑十葉通用又屑葉可** 又云入聲最難分別即朱人亦錯綜不齊沈氏詞韻當已近時 陌半通井一陌半通如十四緝獨用十五合十六葉十七

音生於韻也沈氏去古未遠其編字入韻多與|||百篇楚辭及 韻乎論案說文無韻字古人但言音而不言韻盡韻生於音非 聲不備爲偏統故金元人作詩亦用沈韻作詞亦不專用周韻 音而毛馳黃謂沈韻本屬同交非江淮偏音挺齋詆之謬巳自 清詞曲家押入聲最宜斟酌 從無以入聲分叶平上去者又安得以曲韻廢詞韻且上格詩 外呼瑣為埽以叶老俞克成呼我為襖以叶好詞品皆指爲間 怪壞挺齋與升庵俱駁為缺舌而宋詞中呼否為府以叶至林 又云沈休文四聲中如朋與蒸靴與戈車與麻打與等卦畫與 二百篇楚辭以迄南曲一系相承俱屬爲韻統而北曲偏音四 D



其性命之理則君子弗爲也述庵司宠謂北宋多北風雨雪之 **觴楚騷導源風雅一也故覽一篇之詞而品之純駁學之淺深** 許宗彥蓮子居詞話序云文章體製惟詞溯至李唐而止似為 如或貢之命意幽遠用情温厚上也詞旨儇薄冶蕩而忘返漓 三易而爲唐之長短句要皆隨音律遞變而作者本旨無不濫 不古然自周樂亡一易而爲漢之樂章再易而爲魏晉之歌行 詞學集成 「トケン・ヘーハー IT・イル 人工に通じのできることを通ります。 五日派 鐵嶺宗 旌德江順詒纂輯 山然訂 AT A STATE OF STATE O

此其所以爲難。。案宋人論作詞已以清左爲圭臬矣 此意語案山谷豔詞已有法秀泥犁之呵香奩本非詞格後生 感南宋多黍離麥秀之悲所以爲高張皋文編修詞選亦深明 女子之言通之於離騷變雅之義此尤不得志於時者所寄情 者委曲倚之於聲其詞愈後而其旨益遠善爲詞者假閨房兒 紅鹽詞序云詞雖小技昔之鉅公通儒往往爲之葢有詩所難 沈伯時樂府指述云作詞難於詩葢音律欲其協不協則成長 直實而無深長之味發議不可太高高則狂怪而失柔婉之意 小子矜其一得競為殲穀之語豈大雅所屑道者哉 短句下字欲其雅不雅則近乎纏令之體用意不可太露露則

焉耳 間有乐及詞句論詞則是論調則非未免强作解事獨傾伽詞 浮豔然多為可解不可解語令人求其意旨而不可得足為學 話不蹈前弊議論亦佳如謂近日倚聲家莫不宗法雅詞厭棄 **聰秋館詞話云昔人言詩話作而詩亡盎爲朱人穿鑿而言藉** 北宋詞用密亦疏用隱亦亮用沈亦快用細亦潤用精亦渾南 約語此又不善學之病也 貢諛冀通聲氣甚或不問美惡但助刻資削爲刋錄且以爲利 浙派者他山之錯部案詞尚清空本無流弊而後之作者多隱 **(举线標榜者無有也不然非訝巳作即廣接顯者之詩曲意** 可見を見り、可見を長せられ

明人 則靡命案此爲學玉田者鍼砭 於柔曼意旨綿邈音節和諧樂府之正恥也不善學之則循其 宋祗是掉歸來 戈順卿云詞以空靈爲主而不入於粗豪以婉約爲宗而不流 史達祖吳文英蔣捷王沂孫張炎周密陳允平張翁楊基皆 竹垞先生墨蝭齋詞庁云詞莫善於姜夔宗之者張輯盧虺皋 聲調襲其皮毛筚不能轉則意淺淺則薄筚不能鍊則意身與 體基之後得其門者或寡矣。二案先生論詞未當菲薄 詞話云詞至南朱始極其工 同時点を方方プロ

昧姜白石如野雲孤雁去來無蹤夢窗如七寶樓臺眩人眼 折下來不成片段泰少游詞體製淡雅氣骨不衰清麗中 張玉田云詞要清空勿質實清空則古雅峭拔質質則凝澁晦 **所以易冠也辛稼軒劉政之作豪氣詞非雅詞也於文章餘暇 意脈咀嚼無滓久而知味晁无咎詞名冠柳琢語平帖此柳之** 勢而在幽咽 **毛稚黃日北宋詞之盛也其妙處不在豪快而在高健不在豔** 製造品を開発を表現していません。 1000年に対象がある。 1000年に対象があ 言詞者示刀主意非不足夫北宋也蘇之大張之秀柳之艷秦 之韻周之圓融南宋諸老何以尙茲論案明人之孟浪即北宋)粗疎何必以南宋壓倒明人予

質質之弊後之尚詞藻者可知矣楊奏而抑柳辛劉爲別派自 字在我發揮二公則爲風月所使耳論案以夢窗之才何不免 戲弄筆墨為長短之句耳康柳詞亦自批風抹月中來風月一

是確論

張功甫評梅溪詞云情詞俱到織稍泉底去塵眼中有褒奇警 **週**清新閒婉之長而無訑夢汙海之失。 業梅溪竹屋去姜張

別耳

黃权陽云首卿長於纖艷之詞然多近俚俗陳質齋云柳詞 者高唐洛神之流下者不滅桃葉團扇 黃魯直云叔原樂府寓以詩人句法精壯頓挫能動摇人心合

行役 雅善於融化詩句 强焕云美成詞橅寫物態曲盡其妙張权夏云美成詞渾厚 嬌施之祛幽索如屈宋悲壯如蘇辛 張文潛云方囘樂府妙絕 茶伯世云子瞻詞勝乎情耆卿情勝乎詞情詞相稱者惟以 要非本色周輝云豈無去國流離之思殊覺哀而不傷 陳無已云東坡以詩爲詞如敎坊雷大使之舞雖極天下之下 而已張誕云少游多婉約子瞻多豪放 「律諧婉詞意妥貼承平氣象形容曲盡獪T 時盛麗如遊金張之堂妖治如 1

硬處 清新之意刪削靡曼之詞自成 張叔夏云竹屋白石邦卿夢窗格調不凡句法挺異俱能特立 范石湖云白石有裁雲縫月之妙手敲金戛玉之奇聲趙子固 未免時有俗語 黃叔陽云雅言精於音律自號詞隱發妙旨於律呂之中運巧 陳質齊云伯可詞鄙褻之甚沈伯時云伯可耆卿音律甚協但 思於斧鑿之外平而工和而雅比諸刻琢句意而求特麗者遠 日白石詞家之申韓也沈伯時云白石清勁知音亦未免有生 一部 号 名 及 名 五 門門的特別的

近代陳西麓所作平正亦有佳者 張叔夏云詞欲雅而正志之所之爲物所役則失其雅正之音 沈伯時云夢窗深得清眞之妙但用事下語太晦處人不易知 劉氏熙載詞概論各家詞多中肯聚彙錄之於左 泛作詞評看後錄評語皆此例 可以知所去取矣以所得證古人之是非而已之是非亦見勿 以上所錄皆評宋人詞非欲較其短長也持是以讀諧家之詞 **麦堯章云邦卿詞奇秀濟逸融情景於** 太白菩薩蠻憶秦娥張志和漁歌子兩家一憂一樂歸極難名 **製造品を表現が出場が、「打手」 ヨウシンニュ** 一家會句意於兩得

軼古人具神仙出世之姿 流連光景惆悵自憐葢亦易飃飃於風雨者若第論其吐屬 温 **耆卿詞細密而妥溜明白而家常善於序事有過前。** 美又何加焉 **权原貴異方囘贍逸耆卿細貼少游淸遠四家詞趣各別** 宋子京詞是宋初體張子野始創瘦硬之體 **馮延已詞晏同叔得其俊歐陽豕权得其梁** 素少游得弯前花間遺韻卻能自出清新東坡詞雄姿逸氣高 香澤之態所在多有故覺風期未上耳 學言些名为九先子 飛卵詞精妙絕人然類不出平綺怨韋端已馮正中諸家詞

梅也陸放發詞安雅清贍劉政之詞狂逸之中自饒俊致高竹 **稼軒詞龍騰虎擲任古書中理語瘦語** 周美成律最精審史邦卿句最警鍊然未得爲君子之詞者周 婉則同耳 **蔣竹山詞未極流動自然洗鍊縝密語多創獲其志視梅?** 旨蕩而史意貪也 屋爭驅自石然嫌多綺語 姿是何复異 石オ子之詞稼軒豪傑之詞 石詞幽韻冷香令人挹之無盡擬諸形容在樂則釋在花則 では、10mmのでは、1 經運用便得風流

衛之音氾濫於六七百年而雅奏幾乎絕矣語案嗣之壞壞於 曹升六云秋錦論詞必盡埽蹊經濟謂夢窗之密玉田之疏兼 貞其思視夢窗較清 秦黃周柳之滛靡非有巨識熟敢議朱人耶 **陶篁村自序云倚聲之作茣盛於宋亦莫袞於宋濬惛秦蕷周 愁陳其年云飮水詞哀處頂豔得南唐二主之遺 顧樂汾云容若詞** 柳之才徒以綺語柔情競誇豔冶從而效之者加厲焉遂使鄭 玉田詞清遠蘊籍悽愴經綿大段辦香白石 藥園云螺舟詞能於無景着景此意近人所未解 言当身历治王 種褒婉處令人不忍卒讀人言愁我始欲

陳曼生 鴻壽 衡夢詞序云夫流品別則文體衰摘句**圖而詩**學 **一般花庵滛縟爭價一字之奇草堂噍殺矜惜片言之巧繆道乖** 泉陳玉几云樊榭詞清真雅正超然神解如金石之有聲而玉 典鮮能圓通是以耆卿騫翮於津門邦彥厲響於照碧至北宋 所稱解解者非耶 陳玉几云琢春詞豔豔如月亭亭若雲黯然遇之清風入林程 物賦形而無遺聲焉至於審音之妙鑰合尺圍靡間綵髮昔人 徐紫珊云樊榭詞生香異色無半點烟火氣如入室山如間流 之聲清越如草木之有花而蘭之花芬芳 麗月屋屋 河阜集 嵌卷五 上西域的日本

華亭姚茝汀詞雅吳江沈時棟吳門蔣重光詞遻均不免雅俗 聽秋館詞話云余所見專輯本朝人 家子 宋又一變矣。紫論書者謂初寫黃庭恰到好處詞自太白 **共燹以後文字推殘雖無適於用亦 成於嘉慶初元迄今已六十餘年卽乾嘉以前亦多遺漏余念** 始至南唐而極盛温潤綺麗後鮮其倫南北二宋其文中之八 雜惟青浦王關泉司寇 及凡司寇未入選而其人 變石帚玉田理定而摛藻梅溪竹山情密而 £ 1 國朝詞綜選擇最為美備然其書 **ベノ ヤニ** 、詞者宜興蔣京少瑶華集 一時風雅所繫爱就耳 國 可詞詞

蔡小石宗茂拜石詞序云詞勝於宋自羡張以格勝蘇辛以氣 李貺司馬云戈詞未刊黃詞存藏黃韻珊大令處論案黃選已 勝秦柳以情勝而其派乃分然幽深官眇語巧則纖跌宕縱橫 華亭朱尚木徵壁日吾於宋詞得七人焉曰丞权其詞透逸日 張并論究之格勝者氣與情不能逮 語粗則淺與曲同工要在各造其極部案此以蘇辛素柳與姜 絕妙好詞嘉善黃靈青太守有續詞綜之輯所朵定多佳什周 六十卷終以僻處海隅接雜示廣為燃聞吳縣戈寶士明經有 刊於湖北易大令名矣陶鳬香有詞綜補遺二十卷 丁瞻其詞放誕日少游其詞清華日子野其詞娟潔日方回其

或傷於樸辛称軒之豪爽而或傷於霸陸務觀之蕭散而或傷 詞新鮮曰小山其詞聰俊曰易安其詞妍婉他若黃魯直之蒼 老而或傷於類王介甫之劉削而或傷於的唇无咎之規檢 氣質純甫之能舒懷吳夢窗之能疊字姜白石之能琢句蔣竹 能壯朵張安國之能用意万侯雅言之能協律劉政之之能使 艷而少寄託周清真蜿蜒流美而乏陡健康伯可排敘整濟而 於疎此皆所謂我輩之詞也苟舉當家之詞如柳屯田哀感頭 至南宋而繁亦至南宋而做作者紛如難以概述夫各因其資 山之能作態史邦卿之能刷色黃花庵之能選格亦其選也詞 之深筮其外則謝無逸之能寫景僧仲殊之能言情程正伯之 はいまったとうこうとう

造斯境也 論矣 之所近荷去前人之病而務用其長必賴後人之力也夫論案 舉朱人詞不下數十家可謂崇論閎議矣而不及碧山竹屋玉 郭頻伽云詞家者流源出於國風其本濫於齊梁自太白以至 按常州派近為詞家正宗然專尊美成今取美成詞讀之未能 歌行然又要有轉無竭全用縮筆包舉時事誠是難臻之詣論 辛僅爲小家朱厲又其次者其詞貴能有氣以氣承接通首如 汪稚松云茗柯詞選張皋文先生意在母美成而薄姜張至蘇 田草窗何也其評語亦不甚允當觀詞至南宋而愀一 到了。 一 可 学 作 大 能 五 た。

「一人」

「一 語非篤

心之所欲出而取其性所近于曲萬折以赴聲律則體雖異而 婉約之旨深自是以後雖有作者欲別見其道而無由然寫其 綺靡爲宗史柳以華縟相尚而體 固詩與文所不能造之境亦詩與文所不能變之體則仍 其所以爲詞者無不同也論案有韻之女以詞爲極作詞者者 **土季非兄女之情不道也宋之樂用於慶賞飲宴於是周秦** 八之遺而已矣 毫粗率不得讀詞者看一 時而憤末廣厲之音作姜張祖騷人之遺盡洗禮艷而清空 宗小悟司馬云香奩格非詞之正宗可使大干世界迷 11年31月11日 一毫浑躁不得夫至千曲萬折以赴 變蘇辛以高世之才橫絕

登覺路吾欲比於洣泗上樂之功計詞章之學漢宋諸儒所 階之厲此姜張所以獨有干古也 **小屑道淫詞艷語有害於人心風俗不少未始非案七黃九**

詞學集成卷五

張砥中日凡詞兩結最爲緊要前結如奔馬收繮尙存後面地 要窗一 步有往而不住之勢後結如泉流歸海迴環通首源流有盡而 **賀黃公曰詞之最醜者爲酸腐爲怪誕爲粗莽以險麗爲貴矣** 則就意之時即就調之時枝枝節節而爲之未必渾成矣 可以作詞非僅結句爲然 又須冺其鏤刻痕乃佳

部案酸腐者道學語也怪誕者荒唐語 不盡之意語案此論兩結句固佳然詞尤貴句句縮得縮字訣 也計案命意一 也至粗莽則蘇辛之流弊犯之甚易若險麗而無鏤刻痕則仍 派而未臻姜張之絕詣也 時也命句又一時也屈音以就意屈句以就調

句必須純熟此爲句法之要 部按遇抅句必純熟人固知之遇 有對句四字者易七字者難要流轉圓愜部案三字者須不能 蓮子居詞話云詞有疊字三字者易兩字者難要安頓生動詞 其聱牙耳部案用成語若太腐不如造語爲佳須知成語卽古 者方爲作手如未能極工無難取成語之合者以副之斯不覺 頻伽詞話云有抅調抅句須渾然脫口若不可不用此平仄聲 人造語也 順句遂不必精警乎 順句必精警人或未知然即知之豈抅調之順句精警而順調 調中通首皆抅者遇順句必須精警通首皆順者遇抅 1 | STATE OF THE PERSON NAMED OF THE PERSON NA

似詩 詩不過四五七言而止詞乃有四聲五音均拍輕重淸濁之別 韻長也慢短調爲今日小令足徵後人之訛韻長也詞源中此條小令曲朱人以長調爲 閒学句要有閒意趣末又要有餘不盡之意。案此所謂節短 若言順律外律協言謬俱非本色或一字未合一句皆廢 仇山村曰世謂詞爲詩之餘然詞尤難於詩詞失陸猶詩落韻 張玉田云詞之難於小令如詩之難於絕句蓋十數句均要無 減 字兩字者須不能增一字四字者不可似賦七字者不可 **闋皆不光彩信戛戛乎難之訟案此猶兼四聲五音而** 言語はインカタフ ----句

蕭這超邁之氣而又於他文不工獨工為此事故其道大備語 **阿里拉斯拉** 司學集戏卷六 詞中承接轉換大抵不外紆徐斗健交相爲用所貴融會章法 寬緊之類是也 案此謂藝必專而後精不獨詞為然而古人之爲詞則專心致 **精嚴其矩蕿森然秩然一時為之渠帥者皆有好古絕俗之姿** 郭頻伽云文章之事各有所出亦有所極唐人以詩為樂章句 志非僅以餘力及之也 有温李之詞五代及宋別為一體至南渡諸家分刌合度律呂 按脈理節拍而出之 詞槩云詞之章法不外相靡相盪如奇正實字抑揚開合工易

間轉神寫照乃愈使下意相相欲動 室中蕩漾是詞家妙訣上意本可接入下意卻偏不入而於其 要緊語亂道語正是極不亂道語 爲俗情所豔必先將借色洗盡而後真色乃見也 用熟事虛用學有餘而約以用之善用事者也乍敘事而問 詞之為物色香味宜無所不具以色論有真色有借色借色每 詞深於與則覺事異而情同事淺而情深故没要緊語正是極 詞澹語要有味壯語要有韻秀語要有骨 詞中用事貴無事障晦也膚也多也板也此類皆障也僻事熟 言得活法者也 アニーリ コノシー

詞有清空妥溜惟須妥溜中有奇創清空中有沈厚纔見本領 之起眼處不可不留意也部案詞中鍊字義山飛卿稍爲近之 **窗旨善於鍊字面多於温庭筠李長吉詩句中來字面亦詞中** 是深加鍛鍊字字敲打響歌誦妥溜方為本色如質方间吳燮 **張玉田詞源云句法中有字面葢詞中** 描頭畫角是詞之低品濫詞有全體宜無失其全詞有內蘊宜 又云詞與詩不同詞之句語有二字三字四字至六字七八字 昌谷則微嫌滯重矣 無失其蘊 者若堆垛實字讀且不通況付之雪兒平合用虛字呼喚單字 河半東戎松八 個生硬字用不得須 匹

第 字句語自活必不質實。案更能消字未全虚 最無端又卻是之類此等虛字卻要用之得其所若能盡用虛 萼紅琵琶仙探春八歸淡黃柳等曲詞又以意趣爲主如東坡 嚴密用事合題 物尤難體認稍真則拘而不暢模寫差違則晦而不明須收縱 用事亦最難要體認着題融化不澀用事不為事所使至於詠 水調歌洞仙歌王荆公桂枝香白石暗香疏影赋梅等曲詞之 叉云詞要清室如夢窗之唐多令白石之暗香疏影揚州慢 如正但甚任之類兩字如莫是還又那堪之類三字如更能消 枝脊雪綺羅香春雨雙雙燕詼燕白石暗香疏影詠梅劉 段意思全在結局斯爲絕妙如史邦卿東風

句工緻者便覺精粹此詞中之關鍵也又云詞不宜强和人韻 情景交集得言外意叉云詞之語句太寬則容易太空則苦澀 情至於難則哀怨必至苟能調感愴於融會中斯爲得矣全在 異若能屏去浮艷樂而不淫是亦漢魏樂府之遺意又雜情云 詩葢聲出鶯吃燕舌間稍近乎情可也若鱗乎鄭衞與纒今何 **改之沁園春美人指甲腳等曲又簸弄風月陶寫性情詞婉於** 若八字旣緊練上下句便合稍寬庶不窒塞約莫寬易又着 叉云大詞之料可以斂爲小詞小詞之料不可展爲大詞必是 如起頭八字相對中間八字相對卻用功着一眼如詩眼亦同 **一种人员** 司學集成卷六 句之意引而爲兩三句或引他意入來捏合成章必無一 上版的 唱唱

夫恩復刻是書跋云詞源一書元明收藏家俱未箸錄故見者 迷之下卷承訛襲謬幾乎佚逸萬氏紅友朱氏竹垞俱未言及 一特識尤貴持平於古人萬微詞而於今人多溢美適形其陋樊 句臨桂朱小岑亦有論詞詩又云綜古今詩詞而論列之貴有 陸蓋思云棠村詞極穠豔而無綺羅香澤之態所謂生香真色 其未見此書可知 聽秋館詞話云孫文靖爾準有論詞絕句厲樊榭亦有論詞絕 少雖陳眉公秘笈載半卷以爲樂府指述叉以陸輔詞旨爲指 二歎治案後之論詞與作者皆不能出詞源所論之範圍秦敦 /難學也

蔽 情連章累篇義不出乎花鳥感物指事理不外乎酬應雖旣雅 而不豔斯有句而無章其蔽三也論按此皆詞人之通病即詩 之盛氣此猶巴人振喉以和陽春眶域怒嗌以調疏越是爲鄙 蓬姜諫謝湻于而惟陳履舄揣摩牀笫汚穢中箏是爲淫詞其 榭詩最爲醇正朱小岑悖謬至論父之詞文靖古少今多然皆 論定之人至尤二娛則懷人詩耳 詞其一也規模物類依託歌舞哀樂不衷其性慮歡無與乎 人何嘗不蹈此弊作詞者當廢然返矣 《河學集成卷上· 也猛起奮末分言析字詼嘲則俳優之末流叫笑則市儈

ŧ

1/2021年

以綺麗之傷骨而力洗禮纖以奮勵之滯音而務懲偏宕采湘 光以植骨援殿藹以流韻騰其餘絢足煥采於雲藍習其恆姿 其雅摹其履舄則病在淫哇雜以筝琵則流爲傖楚又嚴敘云 證音而後宛轉入情案衍式度葢閭娥之產非繪爲纂繹不能 其返矣又何稱乎又竹滬漁唱序云詞之道情欲其幽而韻欲 見其娥孋也般輸之巧非漸乎矩鑿不能美乎輪與也又銀藤 詞序云倚聲之道雅正爲難質實者連蹇而滯音浮華者苛經 則病其啞鐘隻字未諧則譏同濕鼓故必選勝以定質蕩滓以 吳穀人露蟬詞序云詞者旣限之長短復拘以聲律片言未協 而喪志其或猛起奮末徒規於虎賁陰淫案衍漸流爲駿弄翮

寶瑟不韻矜其箏琶謂瓊琚可捐崇其冠劍斯猶甕牖奇士引 劉蔑視秦柳纍牘塊磊乏縱橫之才連篇跳嚻無雄放之氣謂 師之呵雅音不存哇響競奏古怨寫意閒情暑題此則强鬚眉 トンンスト Amy live Amy Manager and Amy Manager Amy Manag 謔紅笑好摉豔歌粉怨珠嗁但羅研唱调志丁娘之索塞耳秀 錢塘諸遲荊可實詞綜續編序云詞選之難厥弊有五夫其翠 實倚聲家矩蕿也 亦奮秀於山綠叉陳敘云詞以韻流當效玉田之雅詞以情勝 怒蠅爲鼓吹幽并少年結屠狗而賓客此一弊也乃至抗心邁 之客塗飾粉黛襲閨房之語評隲履舄此一弊也或者矯宗辛 須兼竹屋之癡以上各序雖就各家之長而被以腴詞其所論

意思を表するという言語をあった。大大大 備吹竿況之潮汐鮮流則羼雜蚌蠣培塿孤時而希樹松柏此 弊也又吹求過刻騖博或夸光耀沉溶非無天外一鶴之表聲 **笏倚胡牀之座絃袍攙羯鼓之撾是日踰開難語同律則亦一** 之清俊守郊島之寒儉韻要眇而不幽思纏綿而不盡是謂宋 氣標榜不皆春初萬花之觀謝客山居未登削簡南郭朝位乃 握玉麈者惑清淡之習唱銅鞮者忘正始之原鬲指之聲訾石 子名句僅此蘋末見賞南威淑麥必以蓬葆稱歲此又一弊也 帚多事煞尾之字以夢窗太嚴取快帳舌毀棄鐘呂又何啻冠 古肆力式靡吹花嚼蕊相炫虛華範水模山自詫澹遠鮮姜史 弊也設故此節當與金珪詞序後先參看

詞要放得開最忌步步相逢又要收得囘最忌行行愈遠必如 之有少陵亦倚聲家所函欲推尊矣 **飢世尚有人才皆世不用也** 論案此解亦古人所未有而詞家 月 皋文詞選云碧山詠物諸篇皆有君國之憂漸新痕懸柳詠新 詞瀾語亦不足言詞也 州諸君正論案立意亦在作詞五要之列然後知辨宮商者腐 天上人間去來無迹方妙 楊誠齊作詞五要第五要立意新後人塡詞止此耳務求尖新 篇傷君臣宴安不思國恥天下將亡也玉局謌殘榴花一篇言 一篇喜君有恢復之志而惜無賢臣也殘雪庭除綠梅花一

案就詞字之意以論詞本說文以解經而意內言外兩層說得 浮屯田夢銜以不淸傷氣淮海玉田以不澀傷格淸真白石則 清日脆日澀不脆則聲不成脆矣而不淸則膩淸矣而不澀則 則以其聲之幺眇鏗磬惻惻動人無色而豔無味而甘故也。計 能兼三矣六家於言外之旨得矣以云意內惟白石玉田耳淮 包愼伯大令世臣月底脩簫譜序云意內而言外詞之為敎也 **海時時近之清眞屯田夢窗皆去之彌遠而俱不害爲可傳者** 矣若夫成人之速者莫如聲故詞名倚聲聲之得者又有三日 有聲聲成則有色色成而味出焉三者具則足以盡言外之才 然意內不可强致言外非學不成是詞說者言外而已言成則 言島身ルネナー ナノ

法須 板長調要操縱自如忌粗率能於豪爽中着一二精緻語縣婉 妙計案詞繹係劉氏公敵體仁所箸亦國初人而中有觀字不 詞繹云中調長調轉換處不欲全脫不欲明粘如畫家開合之 沈東江議云小調要言短意長忌尖弱中調要骨肉停匀忌平 難處莫認作襯句至五言對句七言對句使觀者不作對句尤 可少之語萬氏何以不知詞有襯字也 各名家之詞學者循之亦不入歧途矣 確切不移實發前人所未發至聲字獨取清脆澀三聲而證以 **山蕪累與癡重同襯字不可少又忌淺熟又日詞中對句正是** 一氣而成則神味自足以有意求之不得又曰長調最難

中着一 宜渾脫乃近自然常調作者多宜生新斯能振動又日詞要不 局貴變言情貴含蓄如驕馬弄銜而欲行粲女窺簾而未出得 **元不卑不觸不悖驀然而來悠然而逝立意貴新設色貴雅搆 叉生香活色在卽離之間不特難知亦難言又云僻詞作者少** |激勵語尤見錯綜又||云白描||不可近俗修飾| | 記學集 | 成卷六 九 可

堂詞。紫會眞記之碧雲天黃花地非即范文正之碧雲天紅 語豪語苦語擬語投喪繁語如巧匠運斤毫無痕迹方爲妙手 張膩望日詞雖小道第一要辨雅俗結構天成而中有豔語雋 歸來定非香奩詩良辰美景奈何天賞心樂事誰家院定非草 詞學集成 **莱地乎詩詞曲三者之意境各不同豈在字句之末** 王阮亭云或問詩詞分界余日無可奈何花落去似曾相識遯 七日境 鐵領宗 旌德江順詥纂輯 山然訂 **"国民的生活"的主义是对对对对**

花等閒過了 豪語也淚花落枕紅棉冷黃昏卻下瀟瀟雨楊柳梢頭能有產 盡迷樓花債豔語也對桐陰滿庭淸晝任老卻蘆花秋風不管 今惟有樓前流水應念我終日凝眸倘後夜暗風凄雨再休水 多少斷送一生憔悴能銷幾個黃昏苦語也牡丹開後望到 河星繳濫睛雲熱月輸桂老搗破珠胎柳鎖鶯魂奇語也老起 **脈有夢來去不怕江關住雋語也試問琵琶烟沙外怎生風色** 干堆雪任天河水潟流乾銀汁易水瀟瀟風冷滿庭衣冠如雪 百詞中如秦娥夢斷秦樓月小樓吹散玉笙寒香老春無價償 **炮悲訴癡語也這次第怎生**] 寸相思千萬結役個安排處没要緊語也略拈 個愁字了得怕無人料理黃 AND DESCRIPTION OF THE PERSON 加

閱者無不點首得畫家三昧亦得詞家三昧 處 緩穿也 隔隔則警句亦成死灰矣語案點與染分開說而引詞以證之 別冷落今宵二句乃就上二句染之點染之閒不得有他語相 **冷落清秋節今宵酒醒何處楊柳岸曉風殘月上||一句點出離** 詞以鍊章法為隱鍊字句為秀秀而不隱猶百琲明珠而無一 詞概云詞有點染者卿雨淋鈴云多情月自古傷離別更那堪 **不惟不佳亦君子所不屑道。 案各種語於所引句有未切當** 至如密約住期把燈撲滅巫山雲雨好夢歡等字面惡俗 帝人宮宮人焚色目所貢鵲腦時方簡文書忽若醉夢閒迷殢 煩意擬一 歸心思述煩之際不辨其何意何調何聲何色而徘徊纏縣心 若別有氣味在聲色之外則人罕知者驟得鶴門詞適久客初 詞之妙莫妙於以不言言之非不言也寄言也如寄深於淺盎 毛大可鶴門詞序云大抵詞必有意有調有聲有色人人知之 詞亦以得此境爲超詣 妙處透徹玲瓏不可凑泊如水中之月鏡中之象此皆論詩也 厚於輕寄勁於婉寄直於曲寄實於虛寄正於餘皆是 可空表聖云梅止於酸鹽止於鹹而美在酸鹹之外嚴滄浪云 若醉裏思鄉燭邊顧影使人轇轕不可解在昔莊皇

置蒼水云玉叔慢詞多商羽之音如秋殿拂林哀泉動壑小令 黃魯直評東坡缺月掛疏桐詞云語意高妙似非喫煙火食人 黃唐堂云對琴詞如入武夷啖荔枝鮮美獨絕又如饌設江瑶 則如新箏乍調雛鶯初囀尖佻新艷 池 所聞有所見也鶴門詞猶是矣。案此固詞之妙境也而亦文 語非胸中有萬卷書筆下無點塵俗氣孰能至此。案此非擡 類生憧憧然旣而漸甚亟命撤其焚而擯其寬當其時未嘗有 之妙境不言佳而詞可想矣鶴門詞未克見其佳果如是乎 **高詞人身分實古人獅子捕免亦用全力非同後人浮光掠影** 司學集成卷七

黃韻甫云惺齋詞如曉霞媚樹春水浮花極幽豔瘍漾之致 復不已之思 錢筱南云白坡詞婉約清空獨縣深致無紛然雜出之語有往 潘功甫云聞生詞如踏雪孤嶺落花空潭口香莓苔食冷煙火 知其所以然也 黃韻甫云憶雪詞古豔哀怨如不勝倚猿嗁斷腸鵑淚成血 柱與羣餚錯迥別 錄之嗚呼天下傷心之致多矣於時爲秋在月爲夜爲月榭之 吳縣曹稼山琦玉壺買春嗣序頗得詞之三昧文亦峭潔因截 笛爲嚴城之鼓爲空庭之脫葉爲斷垣之寒蛩睇邈空以神爲

則細石之淩亂雋蓄則哀泉之嗚湍神韻則美人之遲來嘅弔 是生澀故言其連忭則雜組之成錦痡峭則寒鏡之瘦夜委婉 紋蜃氣以綺之有夢窗纏縣菀結以赴之有石帚冷汰眾製煦 能之側帽長蘆二集咸極其指後之君子引商刻羽度合刌分 觸古怨以淚滋哽咽喉碒難據簡素故欲曲折達意庶幾倚聲 以鮮華芬芳百家自成譽逸迫焉無漠渾而不流如彼秦尊是 生儋如彼幽籥是生希如彼玄梁曲徑是生幽如彼銑溪瓊岳 非不秩然以嚴矩蕿然而眞靈不與哀樂不存徒累亄費之詞 乙有蘇淵以沈之有張濤以雄之有稼軒平以遠之有竹屋殼 **禾極遠姚之韻讀買春而快然矣旁糅羣雅不因一家海以大**

宜挖微旨獨引紅情綠意蓮波爲愁疏影暗香梅格入畫歷 依傍納蘭秀水以來斯爲造極矣 則良朋之孤往牢騷離別之際徘徊生死之閒直舉胸臆非有 染俗巧不近纖離貌追神工如之何矣賦景則銜彼山川命兹 楊芸士文蓀洛州倡和序云體均則課虛叩寂畫水鏤塵幽思 體不外體物賦景二事是序論二事亦可謂無妙不臻極詞 情乃詩之賦體也詞 毫素荒原吊古躑躅斜陽野渡尋秋蒼茫違水曉風殘月霽色 《詞學集成卷七 一作賦體則直陳其事有是詞乎比與一 也是是是一个

超秋鈴慶燒花簾詞序云無歲而無落花也無處而無芳草也 落花也芳草也夕陽明月也皆不必愁者也不必愁而愁斯視 今之能言夕陽明月者幾人則甚矣寫物之難寫愁之難也花 天下無非可愁之物斯主人之所以能愁主外之詞所以能工 境何暇言愁栩栩然荒荒然幽然悄然無端而愁即無端其詞 簾主人工愁者也詞則善寫愁者不處愁境不能言愁必處愁 無日而無夕陽明月也然而古今之能言落花芳草者幾人古 雜花亂飛酒在秋山缺月相候此其境與詞宜金迷祗醉之娛 駐楓煙而聽雁艤崀水而尋漁短徑遙通高樓近接琴橫春薦 在

楊柳紅窗有人此其情與詞宜此穀人紅豆詞叙語案詩與文 **管語絲哇之奏浦遺余佩釞掛臣冠滿地蘼蕪夕陽如畫隔堤** 姚梅伯獎綠牋詞云一曰綺而不靡一 心醉爛延綠水以蕩懷引眉絲以結語背花憑鏡微髯攀波兠 笏遥天之峰葢綺而不靡者情之止乎義也風騷斯擅體繪亦 之犀梳櫛玉鋺管題紈羅帳燈昏三更畫樓之語橫塘月落 燕坐衣素襟橫雪離合者影嬋媛其姿玉曼難鐫柱嫻可賦為 **亦詞家之妙境因錄之當其夕綺披粉春小繫夢笛尾涕下** 一揚造化爲波瀾植理寓爲根柢搓雲接線游絲裊來擤麝成 国の言語はノラ 日典而不滯措調幽售 煙

窄腰以弱燕其疏秀也若夫室白無滓天靑不雲素月到潭糧 彼姑射之魄紅玉在掌温如太真之膚其明潤也至於顧影自 復養麝牛温試酒微醉遠岫微霽比淺翠於初苔美人秋病量 喬飛來掛簾額之鏡子恐花睡去拭屏角之煙痕其柔膩也或 於尺楮芍藥蟬嫣葢典而不滯者韻之餘於文也 抹岡不潔逾水瀹燦擬觚雕陽和蓄於寸心優曇噴溝萌田旉 尉之鴛鴦比翼魏收之蛟蟯五銖張鄍花影之弄柳壻微雲之 塵鞠香浮去塗鵜學劍而真宰愁權引蟻穿珠而鬼工如巧都 **叉鷗波訶序五節可擬詞品之五觀其揎袖整瑟拈釵播簧賺** 大型


宴云綺懷偶引結客巷游珠樓高豐乳鄉雙轉水洪照屏落花 來媚青蟲若炮酒氣逼燈銀甲一 **媷九峰蘿澗尋鶴夕下京峴霜燈聽鐘賞宅姑胥寄襥茂苑破** 楚之門上有荒雲梧桐之園糊爲茂草趙超寡悅弔古涕零游 **黃湘上夕陽之樓闌干有絮其緜逭也** 來芳離照襟春若可掇脫劍於吳公子墓試釣於韓王孫亭蒯 叉次柳詞云有登臨之作有游宴之作有投贈感懐之作亦可 **佩其俊逸也抑且淑み若思迥乎無盡關中行馬之路蕭蕪末** 詞品之未及登臨云浮舸江湖策馬巖壑落日横野憂從中 /靡蕪寄頭點於子夜或蓮室逃暑菊 ... 開禊新

粉澤二窗自斷心根私附臏貌抑惑焉風弄林葉態無一 天剝素肥蟹擘紫清言不倦玉塵與忙密醉思歸懷車猶繫投 當流波影有萬變形聲至眇委乎自然靜氣相抱可得其理此 無鯉魚之信明河斷鳷鵲之梁青山阻歡紅豆寫海 **寄夢渭北之樹帝子已去寸腸九迴高台偶憑蔓煙千里逝湘** 與韓忘形亦有嵇阮金蘭爲契傾葢片語憐美人之目成一日 THE STATE OF THE PROPERTY OF T 姚梅伯鄭花詞叙語亦簡當 好謀而曼習率而俳競驧哆而膽を皆詞之蠹也若規式兩白 不見解瓊瑰以密贈至於安陽折柳送客盡情之橋少殷聽鳥 贈感懷云五陵氣豪俠盛交廣稿給所納滿平東南孟郊性公 同月

言写男月名 喜看花暗相轉側此其靡曼之瑋詞夫豈黻庸之逸調旨案此 萋汝長論毛大可詞云其旨精深其體温麗戸網粘蟲枕聲停 **邓和之弦桐居然流水。案二評皆當入詞之淸逸品 致雪滌凡響棣通太音萬塵島吹一 真孤露度以横竹當飛奇** 著叉簠國華二白詞序云琅然淸圓一唱三歎如冷風過林自 杜成之評元時可詞云如絮浮水如荷溼露樂旋流轉似沾韭 論可入詞之縣邈品毛詞不足以當之 到吹籥苦唇朱之落夢歡愁臂紅之消腰慵結帶時作樂迥鏡 蔡小石拜石詞序云夫意以曲而善託調以杳而彌踩始讀的 協流徵涼月暉席都成秋痕據芬芳悱惻之懷極哀豔騷屑之

· 雷心之志也已失了春風一半鯢居之諷 也瓊樓玉宇天問之 岸之與也關河冷落殘照當樓即勑勒之歌也危樓雲雨上其 **逍**也詞又有與古詩同妙者問甚時同賦三十六陂秋水即躙 麥斯之詩也又是羊車過**也**團扇之辭也夜夜岳陽樓中日出 詞繹云詞有與古詩同義者瀟瀟雨歇易水之歌也自是天涯 下水扶天郎明月積雪之句也燕子樓空佳人何在空鎖樓中 而澹翛然而遠也部案始境情勝也又境氣勝也終境格勝也 則煙濤澒洞霜颷飛搖駿馬下坂派鱗出水叉一境也本讀之 則萬夢春深百色妖露積雪給地餘霞綺天此一境也再讀之 而皎皎明月仙仙白雲鴻雁高翔墜葉如雨不知其何以冲然

黃花比瘦部案填詞者各有界限不可不知 柴虎臣云旨取温柔詞歸蘊籍瞻而閨帷勿浸而巷曲浸而巷 矣其何以澄觀一心而騰踔萬象是故詞之為境也空潭印月 涵趣寥曠通拈花之妙悟窮非樹之奇想則動而爲沾滯之音 池春水詞而禪者也仙不易學而禪可學學矣而非棲神幽退 如短九山都轉心菴詞序云明月幾時有詞而仙者也吹皺 曲勿墮而邨鄙又曰語境則咸陽古道汴水長流語事則赤壁 |燕即平生少年之篇也||一条專寫閨幃者亦知此境界否 周耶江州司馬語景則岸草平沙膳風殘月語情則紅雨飛愁 人 詞學集成卷七 敝屏智識也清聲出塵妙香遠聞奓淨因也鳥鳴珠箔 八一般温度



		mendagibat kanélisi (Maria de la composición dela composición de la composición dela composición dela composición dela composición de la composición de la composición de la composición dela composición de la composición dela			marakan a	ve Sinalon en			-14
行雲在空明月在中瀟瀟秋雨冷冷好風即之愈遠尋之無蹤	高超	此去人間不知幾里時逢疏花媚若處子嫣然一笑目成而已	十巖巉巉一壑深美路轉峰回忽見流水幽鳥不鳴白雲時起	幽秀	詞品十二則吳江郭嶐頻伽撰	八曰品	鐵嶺宗 山然訂	旌德江順治纂輯	訶學集成	

.

哀家 芙蓉初花秋水一半欲往從之細石沒戲美人有言玉齒將粲 徐拂寶瑟 如怒鶻起下盤浮圖千里萬里山奔電驅元氣不死乃與之俱 海潮東來氣吞江湖快馬斫陣登高一 美人滿堂全石絲籤忽擊玉磬茲聞清揚韻不在短亦不在長 **孤鶴獨唳其聲淸雄眾首俯視莫窮其通囘顧藪澤翩哉飛鴻** 清脆 雄放 委曲 梨口爲芳香芭蕉邇雨芙蓉拒霜如氣之秋如冰之光 唱三歎非無寸心繾維自獻若往若還豈曰能見 呼如波軒然蛟龍牙鬚

华此 換則 韻下 鮫人 卻扇 凄然掩泣散爲明珠織女下示雲霞交鋪如將卷舒貢之太虛 鉛華迸淚鴟雞裂弦如有萬石入其肺肝夫子何歎唯唯不 雜花欲放細柳初絲上有好鳥微風拂之明月未上美人來遍 人生一世能無感焉哀來樂往雲浮鳥仙銅駝巷陌金人歲年 関連の問題を記録を行う。同点ではなくなり 一級稍海水不波珊瑚觸網蛟龍騰梭明月欲墮羣星皆趁 感慨 奇麗 神韻 願羣妍皆強其秀在骨非鉛非脂渺渺若愁依依相思

雜組成錦萬花爲春五醖酒職九華帳新異彩初結名香始藍 **清霜警秋微月白夜其上孤峰流水在下幽鳥欲窮乃見圖畫** 好風東來幽鳥始哢陽春在中萬象皆動一 **莊嚴七寶其中有人飲芳食菲摘星扶雲偶然咳唾名珠如塵** 愜心動目喜極而怕跌宕容與以觀其罅關然將飛尚復可跨 口多微詞如恕如諷如聞玉笛快作數弄望之邈然鶴背雲重 こう とうしょう こうじょう イン・ハムイ・ノ 逋峭 穏豔 含蓄 名雋 花未開眾綠入夢 #

畸士羽衣露言雷喧洞庭隱鱗蒼梧逸猿元氣分變創此奇觀 之子何處秋山槃槃萬籟俱寂惟聞幽湍千嫩萬嚥奉君 萬山欖欖迥風盪寒决眥千仞飮雲閩湍龍之不馴虹之無端 疑蝊入夢如花墮衣幽弦再終白雲逾希千里飄忽鶴翅不肥 悠悠長林濛濛曉暉天風徐來 名士揮塵羽人禮壇微聞 類詞品十二 凄 紫 獨造 輕逸 というというなどでは、これには、これによったというという。 則 金匱楊伯襲撰 語氣如幽蘭荷雨初歇松風夏寒 葉獨飛望之關遠職之自被

送君長往懷君思深白日欲墮池臺氣陰百年寸暉徘徊短吟 葉丹苔碧酒眠悟詩飲真抱和仙人與期其日偶然薄言可思 美人何許短琴潛弄明明無言冷冷如諷卷簾綠陰徼雨思夢 松篁幽語獨客泛琴聆彼七肢瀟湘雨音落花醉枝凄入燕心 **琉雨未歇輕寒獨知茶煙化青煮藤** 俯視苔石行歌長松千葉萬吹懍然嘘東返風乘虛餐煙太蒙 乙子曉行細客香送時聞春聲百鳥含哢林花初開攝鬚欲動 閒雅 高寒 微婉 の一部当身力名フ 枝秋老茅屋槍挂蟲絲

偃焉獨邁廖予隱憂悟出繫表天地可求亭亭危峰倒影碧流 卓卓野鶴超超出羣田家敗籬幽蘭愈芬意必求遠酒不在醕 見鏡照春逢潭寫蓮漁舟往還相忘千年佳語無心得之自然 **室波凌天鳴簪叩舷鷺鷺立雨浪花一肩朵朵白頻江南曉煙** 室山冱寒老梅古愁味之無腴揖之寡儔遙指木末一僧 矯矯獨往落落希蹤夜開元關盪聞天鐘光滿眉字與斗相逢 玉山上行疏花角巾短笛快弄長嘯入雲軒軒霞舉鬚眉勝 疏俊 澄澹 孤瘦 W/ He was a second and 樓

水為沉涂是無散芒難離九疑鬱然深蒼萬葉 如莫邪劍如百鍊鍋金石在中匪日豕藏鋪心掐胃韜神飲光 天孫弄梭腕無暫停麻姑擲米走珠跳星荷露入握菊香到瓶 如泉過山如屋建低虛籟集響流影幻形四無人語佛閣一 詩尚諷諭詞貴含蓄綺麗單辭支離全局七寶樓臺炫人耳 靈活 精錬 崇意 為續之部於詞品亦同此論因仿其意得二十首 昔隨圍補詩品||二十|||首謂前人|||標妙境未寫苦心特| 八副學集成卷八一 U 取駐駐錦囊 3. A. 鈴

雲龍盤旋條隱條見若決江河如掣雷電 游絲初起微風縈絆輕煙裊室浮雲歐灩吹之蘭芳凝之露泫 叩厥本原毫無歸宿其貌如花其味如木 雄而且健竊恐非宜用我五色組彼干絲但求羚角茣畫燕支 名圍之樹國手之棋起復相應疏密得宜峰腰雲斷水面風移 無波不迥無露不垂得縮字訣是謂之詞弩張劍拔雨縣風馳 - 嚴萬壑尺幅見之求方必矩〕圓必規刻升無劍趁韻非詩 鮁氣 布局 用筆 往無前神豈能鍊 **覧無餘炎店** 五人的問題問 二復

風雅之調離騷之篇美人香草十九寓言塗抹脂粉綴拾釵鈿 宮商莫辨喉齒不分競競上去是韻非音天籟人籟長吟短吟 深情往復密意纏縣誤為綺語已落言筌刻劃徵物均無取焉 一鈞之重一 目在流出杳不可尋勿以筝琵而廢瑟琴樂府之遺窺古人心 字未穩全篇皆疵曲之有板師之有旗位置自然雖巧何爲 尚識 押韻 言情 考譜 一髮繫之萬人之眾 一將馭之句有長短韻無參差

要來翡翠薰透芙蓉泰七黃九情之所鍾泥犁未堕亦可憐蟲 是清非矯是新非巧是淡非枯是空非佻辨之幾希得之穷渺 即居城北妾在牆東眉語通翠心由傳紅是爲淫哇見屏宗下 樓頭柳遠海上琴初縣縣有恨渺渺維余蠶絲難割春水何如 是桓子野是王伯與不知所起人孰能無如飲篤蔣如醉醍醐 小舟沿溪岸夾桃花石梁飛渡飯飽胡麻别有天地是耶非耶 BEAUTIFUL TO THE STATE OF THE S 息紛縊 取徑 鞍数 戒褻 絲裊嫋體判才華何矜丰調吹影鏤塵是爲恰好

一个市岛集功务不 觀廬山瀑聽廣陵濤可以駭俗未足含毫春之嬌鳥秋之寒蜩 機忌其滯筆貴乎靈已安一 珊瑚鏡檻翡翠釵粱中有仙人霞佩雲裳剝膚存液刮垢磨光 **峰之九曲路之三义可以獨在可以移家律如許問請泛仙槎** 于狐之腋百和之香明珠的糜寶玉輝煌餘霞成黛寒星射芒 碎玉凊脆落葉刁騷曲終笛裂風過瓊敲孤猿三峽一 善改 振朵 結響 一字仍撚敷莖金樽滿滿檀板輕輕 一年を大力を 鶴九皋

儲之貴多棄之不惜一 羣芳之英釀而爲密郵亭之椽截而爲笛白壁十雙黃金萬鎰 各占其候各擅其妍冰魂罹月瘦影含煙寒香冷翠跋腳高眠 體著其潔法不嫌苛千金不易珍重吟哦著一 維鐵可點維站可磨伐毛洗髓玉律金科淄澠必辨錄兩無訛 玉田公子白石神仙已有千古豈無後賢空谷之蘭綠水之蓮 行空 去瑖 激材 著我 軍皆驚萬花無色落實已秋製錦成匹 屠沽奈賢人何

對鏡忘言拈花微笑色本是宏影無遺照畫理自深仙心獨抱 **芙蓉之城忽爾凌虛白雲橫腰遠峰欲無吹笙跨鶴躡履飛息** 參之以禪常觀其妙忽然而趙必由深造一轉秋波十分春到 不著跡象豈有步趨仙人五夜金闕傳呼騎自鳳皇態何紆徐 出以治同好亦詞壇佳話也 **賛一辭他日擬請善書者以靈飛經小楷書之泐之貞珉拓** 宗小梧司馬||云續詞品||一十則化工之筆讀之如游夏不能 妙悟 ショー・インフェー

邀昂排宕不可一世 治按稼軒仙才亦覇才也 傅粉者比是豈知稼軒者羨門云稼軒詞胸有萬卷筆無點塵 州錄 物故其悲歌慷慨抑欝無聊之氣一寄之於詞今乃欲與搔頭 詞苑叢談梨莊云辛稼軒當弱宋末造負管樂之才不能盡展 古今詞話大樽文宗兩漢詩軼三唐蒼勁之色與節義相符乃 自有品在因錄數則對於詞品之後 填詞小技固不必以言舉人亦不必以人廢言然此中亦 . 集風流婉麗如此傳稱河南亮節作字不勝羅綺廣罕 腔忠憤無處發洩觀其與陳同甫抵掌談論是何等

此是未庭庵 一重罪素

王阮亭云大樽諸詞神韻天然風味不盡如瑤台仙子獨立而 鐵石賦心偏愛梅花倚聲集云詞至雲門湘眞諸集言內意外 已無遺識柴虎臣所云華亭斷腸宋玉銷魂所微短者長篇耳 の一個の一個の一個

ブローの日本の日本

湘眞一刻晚年所作寄意更縣邈悽惻。案文有因人而存者 而盆重其詞也 人有因文而存者湘眞一集固因其詞而重其人又實因其人

天台營伎嚴惑有才名唐與正為守營命賦紅白桃花蕊作憶 仙麥一闋與正賞之雙鎌後朱晦菴以節使行部至台欲摭與 **冒誘之蕊日身爲賤伎與大守濫亦不至死罪然是非眞僞豈** 正之罪指其當與惑濫惑雖備受鐘楚而一語不及唐獄吏好

正是借以自况其愚不可及也部案臨川一生品誼心餘先生 汚衊士大夫其節亦可見矣彼汚衊而欲摭其罪者誠何心哉 · 秦此事宋人說部鮮載之者蕊以一伎宵備受鐘楚而不肯 游戲之女其中慷慨激昻卽是一個血性丈夫寫情至死不變 蔣心餘先生云大凡人之性情氣節文字中再掩不住詞曲雕 去住也如何住若得山花插滿頭莫問奴歸處卽日判合從良 幾朱敗除而岳霖爲憲憐其無辜合作詞蕊占卜算子云不是 於四夢中見之先生之高潔不又於香雪九種見之乎臨川夢 愛風塵似被前淼設花落花開自有時總賴東風土去也終須 可妄言以汚士大夫也繫獄兩月聲價愈騰至徹阜睃之聽未 是一个司學集成卷入 一 九國國際監督

甘齣尤多見道之言令今古才人讀之一齊下淚	_		Edward and	lika da para da	vazadnim ski Gadi	
言令今古才人讀之一齊下淚	*					ماراز "
言令今古才人讀之一齊下淚	9				[. 11
言令今古才人讀之一齊下淚	¥			ţ	1	i i i
言令今古才人讀之一齊下淚			Ī	•	ł	
言令今古才人讀之一齊下淚	•		•	l		balls
言令今古才人讀之一齊下淚				1		1-11-1
言令今古才人讀之一齊下淚	E	•			ļ	
言令今古才人讀之一齊下淚	è		ļ	١.	١.	157
言令今古才人讀之一齊下淚	3		ļ		1	137
言令今古才人讀之一齊下淚	Ŷ.	· ·	·	}	1	
言令今古才人讀之一齊下淚	À	l	•			したし
言令今古才人讀之一齊下淚	F.			l		144
言令今古才人讀之一齊下淚	Ď				İ	
言令今古才人讀之一齊下淚	- 12			1		1.0
言令今古才人讀之一齊下淚	A			1 '	l	
· 一齊下淚				i	Ì	1三シ
· 一齊下淚	Ė			1	1	 ≓ '
· 一齊下淚	ĥ					▮♥╵
· 一齊下淚	Ë		!	ļ .		** :
· 一齊下淚	ļ			1 -	Ţ	しだじ
· 一齊下淚			Ì	1		
· 一齊下淚		•		ĺ	ĺ	
· 一齊下淚	Ŀ				j	古二
(讀之一齊下淚	- 6				1	🖳 /
(讀之一齊下淚			İ		!	- -
(讀之一齊下淚	L				•	
之一齊下淚				J		1 / 1
之一齊下淚	E		•	[ľ	[/
之一齊下淚	R		•		1	衛子
	Ľ		6		Ì	
	Ħ					
					ŀ	اسكدا
			7	!	ļ	
	Ł					
	- Fi				į	
	À		,		٠.	
	ŧ				<u> </u>	
	Œ				١,	الجيا
			•	;		AB:
	r					- L
	- þ					
	ŧ					1
	ŀ				[1
	Ęı				į	1 1
	F,					
	H					1 1
	ř]
	1					
	H					
	- 1		: 	Ì	<i>`</i>	1 1
	F.b					